

四庫全書

集部

欽定四庫全書

集部

皇清文頴卷七十八

九

詳校官檢討_臣朱依昊

主事銜_臣徐以坤覆勘

覆校官中書_臣田尹衡

校對官中書_臣王彝憲

謄錄監生_臣鄒世俊

欽定四庫全書

皇清文頴卷七十八

詩

七言律詩

聖駕北征凱旋詩四首

史夔

鉤陳肅肅護黃麾
電轉雲屯百萬師
決策廟堂抒獨見
運籌樽俎破羣疑
青郊選士春蒐練
紫殿論兵旰食遲
親總六軍深意在
機宜不遣外廷知

雲罽霜旌照沈寥萬靈呵護百神朝
春泉脉動波橫溢朔雪花輕凍漸消
為帶餘寒弓力勁緣滋嫩草馬蹄驕
藩維部落歡呼拜

聖武敷天自布昭

天兵耀日震邊陲雷動星陳絕幕時
王會羣戾環赤帝軍容千里閃朱旗
霜茹雲火連亭戍金柝銅刁匝

殿帷武節焜煌師律整祕圖誰測八門奇

諸道分兵本

廟謨妖星一箭落邊隅逆天豈得逃寬網背德終當受
顯誅地極空桐迴北斗日臨窮髮似東嶠鞭梢一拂三
千里盡仰神威曠代無

賦得雲裏帝城雙鳳闕

史夔

金掌銅樓直望遙鈎陳肅穆萬靈朝千門碧瓦排銀漢
八表華星拂綺寮松棟煙霏衡岳柱芝楣霞繞赤城標
侍臣日在紅雲裏不覺衣裾染絳綃

賦得雨中春樹萬人家

史夔

崙畫層嵐匝遠岑黛雲繚繞子城陰短桃巷陌紅猶濕
新柳亭臺綠已深屋角墻頭流靄靄橋南溪北漲淅淅
煙簑雨笠春郊路桑柘千村父老心

南巡

賜第恭紀

聖恩詩二首

孫岳頌

頻年賃廡嘆蹉跎忽向人間上大羅閥閱敢期容駟馬
門庭應許接鳴珂久耽樸素除丹腹仰荷榮光到薜蘿

廣厦庇來歡自足
悒悒世世感恩波

自昔徒聞甲第榮承

恩今日倍崢嶸
頻施雨露庭階潤
絕遠塵囂耳目清
近侍風驅傳

帝命微臣雀躍感

皇情有懷報稱慚
無地惟願端居詠
太平

奉

命赴

暢春園寫扇蒙

恩特賜筆墨恭紀四首

孫岳頌

別館深居西郭遙水迴山抱建霞標卿雲偏擁林巒秀
佳氣中含景物饒避暑暫違

青瑣闥封章仍奏

紫宸朝承

恩宣召趨蹌急何意層層歷絳霄

鳳舞龍飛仰

御書臨池真媿奉

宸輿扇分斑竹千竿秀畫展湘江八景餘放眼山林神
淡遠寄情花鳥筆蕭疎恭題祇覺難相副珍重應憐腕
未舒

文物遙傳映日華捧持給

賜出

皇家松烟紋簇雙龍脊鏤管毫生五色花豈有法書邀
鑒賞敢當

天語重褒嘉拜

恩彌覺滋慙汗優禮儒臣洵莫加

誰云烏玉久如新謾說蒙恬造自秦詎似龍香調御墨
寧同翠羽飾湘筠會磨端石承零露好寫藤箋絕點塵
從此茅齋增氣象祥光隱隱麗三辰

神武北平詩八首

陳元龍

祥開寶歷應璇樞翕闢

神功煥

帝圖九譯環裘歸正朔兩階干羽叶元符久知薄海

恩皆渥豈有殊荒教未孚天末一星餘畢昴重煩玉弩

振威弧

借箸盈庭總未工天開祕略自

宸衷青邱丹浦書空紀洛水徐方事不同七萃有聲知

禁旅五雲無際是

行宮莫言萬里流沙遠只在

皇綱咫尺中

陣雲不散結黃埃
箭落驚看候騎迴
十萬蛇鱗新浴日
三千鼙鼓競鳴雷
峯盤束馬從天降
路轉懸車鑿空來
設險早從三覆在
前軍已掃白雲堆

雨雪遄歸又出車
依依楊柳映

鑾輿王庭坐待三犁後
別部爭收七縱餘
宛轉黑河人渡急
崔嵬陰嶺馬行徐

聖朝不是勤雄略
只為蒼生鮮定居

忽報軍書夜刺閨
朱旗已過五庭西
指揮俄見旄頭落

談笑翻驚太白低礪盡戈矛人共怒蹋平關塞馬猶嘶
拂雲祠下年年酒從此秋高罷鼓聲

振旅狼山度翠旂龍舟天外溯河源大荒自古無人渡
斷岸從今有棹痕斗象南看皆奉朔流沙西去亦稱藩
穹廬悚息同編戶不用黃雲塞上屯

閒盡墩臺見月輪賀蘭山外斷驚塵邊關不唱從軍曲
蕃長新為守土臣聲教已看周地軸威靈直欲逼天垠
從來異域書難信今日輿圖遠更真

倒傾銀漢洗天兵更覺乾坤氣象明不用披圖橫玉斧
盡收絕塞作金城山川一氣歸仁壽雲物千年紀太平
陬澁有知齊擊壤好將歌頌佐咸英

南巡扈從恭紀五首

陳元龍

康熙二十八年正月初八日

駕由南苑行圍出南紅門

城南膺膺是周原路轉橋通入苑門旆擁三辰環日馭
營分五校列雲屯馬馳朱汗圍初合兔帶青莖草乍翻

日暮涼鷹臺下過香塵匝地不聞諠

十三日立春

駕駐德州

斗柄初隨玉輅東
春神捧日曉瞳矐
條風乍拂朱旗上
瑞靄先回翠幄中
衛水冰消微隱綠
平原草暖暗生紅
豫遊到處

恩膏沛歡洽青疇樂未窮

十四日

駕駐平原縣七里鋪

特發諭旨蠲免東省明年正賦

青齊又見度金輿省俗重煩問里閭共覩民風安作息
還傳

天語沛蠲除推恩寧待迴

鑾日草詔頻催下馬餘聞

命濡毫先拜舞從今汗簡不勝書

十六日

駕幸濟南巡撫署內觀珍珠泉

命扈從諸臣各書匾額諸臣仰請

御書留題以光名泉

上親灑宸翰書作霖二大字

鵲峯晴雪映龍旌

六馭飛臨歷下城紫氣乍從珠溜轉青陽初向碧潭生

虛能鑒物迴

天眷清可澄懷悅

睿情一自亭邊排綵仗靈湫千古被榮名

二月初二夜泊錫山

碧山如畫是梁溪綵幔華燈處處齊
百和香風隨柁轉
千條銀燭隔林迷
霏烟徹夜圍黃幄
微雨明朝展綠萸
不是江南晴日少
隨

鑾膏澤沛春畦

南巡聖德詩有序

陳元龍

欽惟我

皇上御極三十有八年膏澤殷流德風遐暢文思光被
武烈昭宣五典慎而百度貞七政齊而九功叙懷
生含氣均被太和喙息跂行並霑汪濊聲教暨訖
罔不率俾回面受吏者越漠而踰沙執贄貢琛者
棧山而航海比歲肅清甌脫迅掃欃槍剗壁壘於
遐荒熄烽烟於邊徼關山萬里長無橫草之驚區
夏億年永絕鳴虓之擾中外禔福神人洽和惟是
淮揚諸郡漕輓攸關歲委金錢時聞衝決用疏用

塞徒陳賈讓之言治委治源莫定桓譚之議

俯允臣僚之陳請

親御玉輅以巡行更以吳會清嘉東南輿壤兼行補助
加意撫綏河嶽懷柔百神從令惇嫠歌舞萬姓慕
恩而我

皇上治功久洽於寰區孝德彌隆於宮寢慮省方之將
出或視膳之久虛海晏河清喜奉

慈聞而養志途吟野忭敬扶

寶幄以觀風維時惠風條暢淑景舒遲妍卉敷榮新萸
挺秀桑鳴戴勝正虞書觀岳之辰水涌桃花值禹
橈濬川之日言從淮右屆乎平江乃自浙西歷於
建業所至條狼之士弗唱辟除戴鵲之倫罷傳警
蹕炷香夾道設綵連衢士女頌斌連櫟而瞻豹尾
旄倪雜還企踵而仰

龍顏正屬三春恭逢

萬壽卿雲翔而捧日神光起而燭天里溢絃歌塗交酒

醴我

皇上布天澤宣綽音法網解而囿圉空田賦蠲而閭閻
阜關征鹽筴並沐

恩波耆老秀民咸霑

湛露弘多士登進之額開長吏自新之門民事艱難無
微不照田間淪棄有美必收

王言如絲下應如草農蠶賓旅泛習習之凱風吳越青
齊被祁祁之甘雨三辰合慶九宇同歡惟我

皇上體休戚於窮檐通寒暑於

丹禁夙興宵寐念切痼瘼立政用人計安黎庶

俯臨淮海親辨疏濬之宜細察黃流指示決排之策

神謨廣運

厚澤沾濡夏長春生顯仁藏用瞻依愛戴者真如赤子
之慕庭闈蹈舞謳歌者幾忘

至尊之臨愚賤自唐虞而降未覩此風即開闢以還罕
聞其盛臣西清末品東觀庸才幸叨侍從之班親

觀

時巡之典擬濡毫而作賦莫能名

聖人之仁願搢管以攄詞詎足揚

天子之孝欣逢盛事聊效衢歌謹撰七言近體拜手以

獻

興朝孝治被寰瀛此日巡方盛事并長樂宮開移畫扇

金根車動出層城綠波晴泛牙樯遠香苻風迴鳳鷁輕

養志怡顏隆

聖母神厨應見蕙蒲生其一

黃流勢與運渠連衝決常糜太府錢禹橈昔曾行水土
舜瞳今復閱山川源流一覽

宸謨定修築隨宜

睿算全從此河宗長效順千檣漕舸往來便其二

平江一水即吳趨風會清嘉實輿區文物總由陶鑄盛
桑麻憑仗雨暘扶十年心憶

鑾旂幸三度恩邀

法駕紆虎士前驅除警蹕萬民齊仰

睿容愉

其三

雞翹豹尾泛安流周覽郊原庶彙稠宮扇影搖桑日麗
天衣寒上麥風柔祇循繡陌移青雀不許雕鞍破綠疇
自是

聖心憐稼穡扶犁野老拜

龍旂

其四

北溟南極壽無疆閭闔

行宮淑氣翔五色日懸天上瑞萬年人進

御前鵲斑文錦綴交衢幕鵲尾爐焚夾道香民力從來
勞軫恤不教父老費壺漿

其五

未作辛勤亦可憐

皇心軫惜次農田關門澤逮輕輶算鹽筴恩流減籍錢
商舶賈帆羈滯少水郵山驛踏歌連紅亭鼓吹誼聞處

甲煎香濃結紫烟

其六

勾陳容衛曉駸駸比戶歡傳

法駕臨檻外綠波蕤穠秀馬前香錦菜畦深野人滿飽
天厨味耆叟歸攜

太府金更許蕃民還舊國佇聽八極徧謳吟

其七

沃野春深景物滋

省方到處念農時杏花菖葉留

宸矚桑扈耕犁入

睿詞筆灑龍鸞騰墨海韻鏘金玉煥文思寸陰還惜船
寔暇風度牙籤桂棹移

其八

辛丑元日紀事二首

有序

陳元龍

康熙辛丑恭遇

皇上六十年寶祚初周早朝慶賀禮畢偕相國馬齊松
柱蕭永藻太倉王掞華亭王頊齡及遂寧張鵬翮
大司農陽城田從典大宗伯貝和諾德清蔡升元
大司馬孫柱大司寇賴都韓城張廷樞總憲黨阿
賴十四人詣

乾清門獻壽時華亭年已八十松蕭太倉三相國遂寧

陽城皆年七十以上馬相國貝宗伯孫司馬賴司
寇黨總憲及元龍年皆七十蔡宗伯年六十九張
司寇年六十八真一時之盛退朝漫賦以紀其事
軒紀初周六十春華簪白髮對丹宸太平

天子真仁壽矍鑠臣工仗

聖神竊祿幸逢全盛日趨朝相慶古稀人耆英不向林
泉老大位高年笑致身

未許懸車又退朝雍雍金紫髮蕭蕭駕班首列皆黃耆

虎拜歡聲在絳霄近沐陽和天上坐不知歲月暗中銷
返寒未解遲春信徙倚閒庭望斗杓

南書房侍直蒙

恩引至西煖閣俯垂清問

命題賦詩作字恭紀二首

徐元正

十載含香傍鳳池承

恩常得上

彤墀班聯左史頻簪筆

名對深宮命賦詩衣露未消聞晝漏玉琴在御引涼颼

是日詩題衣小臣何幸陪前席願竭葵衷報

露淨琴張

主知

鬱蔥佳氣滿

皇宮寶篆凝香裊碧空委佩時看瑤草綠杼丹還映石榴紅揮毫悚切雲霄近授簡慚非鄒馬工却羨流鶯飛禁樹數聲睨睨向薰風

咏院中古槐

劉坤

扶疎修幹拂雲長
振葉搖風得午涼
樹綠最宜深院好
花黃猶似昔年忙
新開兔目當寒食
久結龍鱗照上陽
不用子山新賦作
良材端是際時昌

皇帝聖德神功親征蕩平詩四首

查嗣韓

赤羽遙翻豹尾紅

至尊親出總元戎
珂戈電閃蒼龍近
玉勒風飈華蓋雄
盡闢山川開

輦道共依雲日就

行宮誰知

天子麾黃鉞甘苦先偕士卒同

邊城百道走軍符上將紛來聽

廟謨三覆掩時藏玉弩八門啓處伏金弧地中雷鼓師
無敵天上旌旗戰有俘縱悔厥心何太晚噬臍今已累
妻孥

輜重漫山委道旁六軍傳箭射天狼宣威瀚海鯨鯢觀
耀德中天日月光塞北風雲開正朔幕南版籍盡要荒

休從事後驚神武幾度招攜自陸梁

簫笳爭共凱歌陳况值班師飲至辰斗昔回南今更北
朔原無燠近逢春烽烟不動沙如鏡候火空懸月似銀
已注東瀛消一燭普天何處不來臣

院中讀書二首

湯右曾

槐廳鈴索靜無喧金鑰傳來啓掖門五粒曉松寒夾路
三眠晴柳綠當軒披華振秀繡官庫漬墨研丹盡
主恩回憶十年吟誦處青氊何似紫花墩

文憲窈窕見觚稜閣在西清第幾層金鳳印成題詔紙
玉蟲綴滿讀書燈坐深香篆縈衣過賦罷雕闌任意凭
敢道近蒙稽古力文章報

國苦無能

來青軒伏覩

御書恭紀三首

湯右魯

丹梯翠磴引躋攀忽到天開地闢間別有樓臺連碧落
盡消烟霧出青山光涵象外千重影氣結空中五色斑

奕舄華軒懸

御扁墨痕鮮潤似初頒

千峰入檻勢全卑裂帛流成洗硯池法自古傳才獨縱
筆經天授格尤奇赤文科斗開羲畫綠樹猿猱識禹碑
萬丈光芒三尺字扶桑迥出最高枝

嵐浮樹豁鬱蒼蒼佳氣凭欄滿

帝鄉紅日曉生天一角銀河秋掛殿中央詞臣憶載隨
游筆老衲曾披

御賜香豈獨名山留

睿藻乾坤萬古賁奎章

蒙

御賜書澹遠堂三大字恭紀二首

查昇

春殿融和淑晷長欣瞻玉管灑

天章九霄翰藻輝三曜八法精嚴邁百王拜領中宵騰
寶氣歸傳奕世沐

恩光錦函珍重茆堂上盥手先焚百和香

躍龍卧虎仰

神明造化從心體勢成澹泊益期堅素節服勤永遠切

丹誠庭幃曾取當時義

澹遠二字係先臣所命且訓臣曰能澹泊則能久遠臣謹識之

不敢忘

黼座容伸此日情未得捧歸蓬徑裏願鏤心版勵瓊瑩

聖駕南巡詩六首

姚士藹

天仗勾陳出玉墀巡方春日正遲遲陽和遍野冰先解
淑氣迎舟柳自垂西北櫓槍親掃後東南膏澤普存時

追踪古帝浮河洛刻玉披圖受瑞宜

聖母彤闈護草榮承顏遊豫見昇平龍舟愛日相依發
鳳舸春風自在行視膳江鱗調玉饌嘗新岸筍進香羹
仁慈錫類民歸厚芹菜壺漿夾道迎

天上黃河九曲清千年早為

聖人清負薪難禦桃花漲投壁空聞瓠子成世際帝堯
憂澤水功高神禹拯蒼生循堤相度商疏鑿早慶安瀾
宅土平

土膏初動事耕耘布穀催春處處聞
新灑綠簑原上雨
遍驅黃犢隴頭雲尾

鑾軍不驚黎庶饁餉人爭覩

聖君無逸豳風時講誦更勞親省念農勤

半壁東南注

聖心為詢民隱

駕遙臨無煩供億絲毫力轉與蠲除百萬金
吏不到村
鷄犬靜人多在野黍苗深長教婦子盈寧
樂擊壤康衢

鼓腹吟

東封南幸幾經年父老歡迎

御舸前江樹重沾新雨露墨花長鎮舊山川閭閻揖讓
風逾厚比戶詩書澤久傳四海九州瞻望切
巡行吳越荷恩偏

皇清文頴卷七十八

欽定四庫全書

皇清文頴卷七十九

詩

七言律詩

聖德神功詩四首

孫致彌

聖朝宵旰重勤民特展時巡出

紫宸薊北柳絲初欲放淮南花藥已爭春

龍舟乍發層冰泮錦纜遙添淑景新驛路三千齊望幸

歡呼扶杖太平人

永定河邊倚棹看橫流非復舊桑乾
白魚躍處波濤靜黃鵠歌中士女歡上策

九重親指授神功兩月勝隨刊勿言水患元難息得沐
君恩便不難

法宮圖繪舊曾頒稔悉農家稼穡難一自

聖人過陌上頻教春色徧田間
瞻蒲望杏應須早耕烟莫放閒
從此年年書大有黍稌長載滿車還

吳風越俗漸還淳敢忘

天王翼命申鑿井耕田皆

帝力條桑布穀樂天真頻逢稔歲人人喜已過花朝處
處春北望五雲爭引領

翠華今日又南巡

康熙己卯春二月二十三日濟寧迎

鑾蒙

賜召對恭紀

聖恩詩四首

孫致彌

翠華臨幸徧陽春
異數何期及小臣
十載重瞻天咫尺
九霄親拜

帝絲綸和風乍拂垂楊軟
好雨旋滋細草新
自幸生當明盛世
難將高厚頌洪鈞

勅使傳呼近

御前泥塗忽訝上青天
草茅名姓

重瞳識蒲柳容顏

聖主憐獻賦得依

龍艦側承

恩轉憶鳳池邊休官尚沐非常寵何異金門侍從年

鸞輿曾發玉虹光

聖代崇儒冠百王九拜特隆新典禮兩楹重煥舊宮牆

庸材濫備金壺選盛事應歸石室藏

帝德如天書不盡十年珥筆杏壇旁

一統文明海外通

詔隨龍節下天東
徧收圖籍歸書庫
兼采歌謠補國風
特許決科溫素業
難忘將母厯

宸衷

皇恩深重知何似
直比滄溟與華嵩

暢春苑侍直

王原

三月春光醉上林
晨趨傑直立花陰
烏矜新霽流黃小
柳耐寒烟貯碧深
劍佩下時仙樂近
樓臺迥處水雲侵
侍臣忝綴文螭陛

謦欬親承識

聖心

詠硯池冰

王原

月銜片石曉凝寒
香歛縹囊古墨丸
影合蛟龍雷未動
眼明鸚鵡鏡同看
憑添玉冊千行白
與照冰心一寸丹
取次鳳池春有信
天葩五色吐雕翰

恭紀

聖恩詩四首

沈宗敬

素業相承有一經當時端尹侍

彤廷文章報國邀

宸眷翰墨開函傍

御屏曠典至今猶鄭重陳編留篋總清冷寸箋獨進

天顏喜

溫語褒嘉翠輦停

天章何幸及儒林中使宣傳

寵賚深願挹清風歌

聖德敢將蘭雪滌臣心六經廣孝真彝則千字成文有
座箴玉軸攜歸驚異數涓埃莫報倍沉吟

紈扇輝煌出尚方許將末藝進巖廊難描帝室山河壯
漫寫江南烟水蒼巖為

宸遊凝曉碧林隨輦路發天香三吳擊壤歌衢意圖繪
慙無六法良

偶將筆墨達微名

詔撫絲桐理正聲行漏鳴時相和答繁音指下自澄清

九成功德天朝奏四海絃歌大化行南幸年年臣望切
薰風從此祝昇平

癸卯正月五日奉

命之秦中祭軒轅氏以下諸陵恭請

聖訓紀事

錢以塏

泰運乘乾禮百神恭承

聖訓侍

楓宸螭頭日麗銅龍曉雉尾香浮秘殿春萬里明裡金

節重尚方祝冊寶函新微臣奉

命趨原隰天府山河特向秦

祀黃帝軒轅氏陵

錢以塏

橋山拔翠路盤紆沮水回環衆壑趨近郭高原三百里
繞陵栢樹一千株昇仙臺古存遺跡問道宮遙失舊途

問道宮今
在堂崗山

聖代明禋崇鉅典雲旗絳節耀天衢

北鎮

即盤巫
閭山

呂履恒

營州作鎮肇封疆恒岱遙同祀冀方北極星光分野濶
東京王氣亘天長迢迢松響聞空際漠漠山形入大荒
盛代精裡邁三古靈風甘雨祝農祥

大駕南巡詩八首

劉灝

東南民事軫

皇情巡守還依舜典行自昔

九重無暇逸况今四海久昇平減裁羽衛隨雲罕儲侍
金錢出水衡文鷁輕帆從簡易綠楊烟裏省春耕

宮扇雲旂下玉除恭隨

文母奉宸輿時調寢膳依行在日按晨昏問起居江岸
雨晴烟樹渺春風波暖畫帆徐

慈顏豫後

天顏喜孝思真同孺慕初

駐蹕淮黃緬禹功雲帆水靜正春風幾年疏瀹煩人力
此日訏謨出

聖衷佇看千艘啣鷁尾已知百丈徙蛟宮金堤玉斗榮

光滿長載恩波萬里中

欣欣老穉日相偕
匍匐山根與水隈
自訝此生田野裏
何緣親見

聖人來更無嚴禁
當儀衛時有歡聲
出草萊
盛世太平
真景色丹青如對
畫圖開

江城巖邑遞經過
闌闌熙然陌巷和
碧樹青烟村外市
綠秧紫穠頭禾
笙簫處處迎鑾曲
桴鼓家家擊壤歌
古史傳聞猶羨慕
於今真見更如何

詔書宥過及微臣祝網兼聞赦小民忝向寒時還就暖
木經枯後復知春簪纓同日皆生色耕鑿從今得此身
臣勵廉隅民向善相期同作報恩人

已沾行在

主恩深更仰慈航

聖母臨自是

一人崇孝治遂教萬國被

徽音臣民爭效岡陵頌草木難酬天地心檢點從來青

史內幾聞盛事似如今

銀管生香玉版新船窻翰墨動如神披雲向日

宣天語帶露含烟

賜近臣共喜開絨光奕奕還驚

垂訓意諄諄漫將鵠跼停擬比較王謨帝典真

龍池春草

劉灝

暖積迴塘碧草勻萋萋市岸及芳晨迎風低接宮花露
向日平鋪

輦路茵色映

御溝光自遠根滋靈沼澤常新年年感激陽和力散質

容隨

上苑春

漁樵耕牧詩四首

劉 灝

漁

生涯老向五湖過風掛蘆蓬雨著蓑孤棹隨時移浦溆
全家終日在烟波晨炊近折秋菰便夜火遙驚宿雁多

盤有白魚尊有酒滿灘明月一聲歌

樵

家依山下本長貧山上崎嶇獨採薪細路攀緣常畏虎
空林來往不逢人行經老樹緣衣慣坐向清磯礪斧頻
偶看圍棋臨玉局一聲鶴唳出松筠

耕

又是春郊播種天帶耜荷耜出村前雨昏布穀鳴深樹
風過烏犍徧野田饋餉每諳中婦苦勸農更喜長官賢

隴頭聚坐還相賀
豐稔今年似去年

牧

平郊漠漠雨昏昏
遠近長攜笛一根
盡日夢依芳草地
三春路熟杏花村
簑衣著得偏能稱
牛背騎來未覺喧
滿眼閒雲林木外
歸從小徑認蓬門

早春出西郊

顏光燾

岸梅溪柳鬱交橫
煖霧霏烟著處輕
乍聽村農喧社鼓
遙看山畔試春畊
解冰野水穿塍過
報餉隣鷄上樹鳴

為語康衢諸父老秋糧有

詔更蠲征

萬壽詩二首

黃叔琳

運應昌期轉玉璿光分南極仰星躔堯階氣象成雍睦
禹甸山川廣幅幘日麗

九重多瑞草春融萬井入祥烟
堦堦久已歌豐豫行健
天心正體乾

蠲租

詔發未央宮鼓腹興歌德化隆
秉穗尚餘塲圃外鷄豚堪入畫
圖中時和每浥騰軒露氣暖全薰
解愠風雲表翠華開雉尾迎塵稽
首共呼嵩

聖武平北詩六首

高其倬

星輝雲爛際時昌

聖主尊居卜歷長

至德九天明日月

神威萬里肅風霜版圖已見昭無
外聲教何容阻一方

三御六飛欣底定從茲海岳盡梯航

歌傳笳鼓擁回軍三月犁庭昔未聞銘勒燕支彰

大武謀成犄角靖餘氛一鞭已近長安日萬騎猶屯朔漠雲大沛

仁恩寬黨羽招徠遣使日殷殷

為民總不憚艱難十月重臨朔塞寒毳帳千羣來化外
降幡一片入雲端從前空恃山川險此日方知雨露寬
遂自雲中回

警蹕不教壯士困征鞍

飛馳露布奏行營極北烽烟萬里清佳氣連雲浮豹尾
祥光散綵護龍旌華峯指日看歸馬青海無波待洗兵
濯濯聲靈咸震疊防邊不用築三城

和風甘雨淨飛塵凱入千靈擁畫輪事出萬全非用武
師行九伐為安民冠裳夾道

天顏近鏡吹連雲法曲新野老壺漿咸鼓舞呼嵩無限
太平人

廟謨斷決自

宸衷匝歲欣看異域通塞外有天皆舜日寰中無地不
堯風雲霄

大業千年事竹帛

鴻名百代功歌詠終慙同白雪願隨率土樂年豐

聖武平北詩四首

汪濬

行營萬竈擁貔貅三路分兵獨運籌

天子自提軒后劍將軍欲飲月支頭彌山瑞草連雲翠

匝地神泉傍馬流川嶽百靈齊效順

鑾輿到處協天庥

纔見

天兵奏凱旋軍營重列玉關前
貂裘禦臘衝邊雪寶劍經寒入塞烟
逆部已全歸壁壘遊魂何日脫戈鋌
指揮四面無遺策定戮蚩尤馬首懸

聞聞振旅入重關警蹕清塵

萬乘還遮道壺漿迎羽衛盈城父老拜

天顏三軍鼓吹鏡歌發四海歡呼露布傳共慶

皇威宣絕域金戈一指定天山

紫塞兵聲永不聞磨崖萬古勒

奇勲寧同寶憲燕然碣遠勝周宣石鼓文

御墨昭回懸日月豐碑截業起風雲邊城比戶安耕鑿

南畝新看五德耘

萬壽詩八首

周起渭

太平天子壽如天天帝高居不計年日月總行黃道裏

星辰常護紫微前梯航接踵朝

金闕花柳長春傍御烟閣闔闔雲中歌吹滿遙同萬里祝

增川

百疊祥烟繞

帝宮玉階仙仗曉瞳矐銅池芝草年年長仙圃桃花歲
歲紅夏屋連雲千里合春臺送暖八方同還看天意如
人意十日甘霖五日風

正朔遙頒十二樓九州之外又神州地通香海環流處

人到蓬山最上頭
莫葉莫窮天甲子
蟠桃長記

帝春秋紅雲歲歲依香案
嶽瀆朝宗拜冕旒

光風冉冉鳳城隈
山色濃如獻壽杯
金埒幾程過閬苑
玉泉三匝繞蓬萊
堂崗山向青天入
太液波從碧漢來
聖祚綿延春日永
百花齊傍

御筵開

宮柳含烟百子池
仙花簇錦萬年枝
金莖雨露山河潤
玉藻衣裳日月垂
羲畫開天龍馬出
虞琴解慍鳳凰儀

從今十屋添籌算甲子千回總盛時

減賦蠲租歲未停

深宮子夜尚談經禹糧堯韭俱登饌周鼎湯盤總勒銘
天上七星持斗柄人間五嶽繪真形華胥世界春何極
日日東風百草青

高樓大牖鬱差莪銜尾千帆次第過九曲安瀾天作壑
百神受職海無波風飄楊柳牽絲纜水泛桃花淨綺羅
但使江河同

聖壽永教千載奠江河

雍雍禮樂更桑麻王會衣冠道路賒
喬嶽已看船是藕
海山新貢棗如瓜千秋歲月同春晝
萬國河山總
帝家從此八荒開壽域年年今日醉流霞

奉

使朝鮮雜詩五首

揆叙

初出

都門

風薰燕市雨初收近郭村村綠樹稠戀

闕迴瞻天北極計程直向海東頭碑傳箕子遺封在地
訪檀君舊蹟留行徧淵波江畔路歸途迢遞指清秋

中前所石佛寺芍藥

郊園紅藥已紛披意外禪扉見數枝此地遲開如有待
他年重翫與誰期最憐野月當頭映莫遣邊風掠面吹
為語山僧須割愛臨分真合贈將離

過摩天嶺

炎官火繖正當空峻嶺摩天地勢雄曲磴迴環青靄外
亂山高下綠陰中沉沉雲合渾忘暑栩栩身輕想御風
却笑白衣勞轉戰只今異域盡來同

立秋日平壤作

涓江雲歛萬峯青亦有梧桐一葉零還往山川諳異域
遷移時序驗虛星蟬鳴漸較秋前切蟲語初從夜半聽
便覺微涼侵枕席不須重上快哉亭

肅州肅寧館觀荷花

石徑無塵暑氣清水花齊放趁秋晴香吹翠蓋含風細
粉濕紅衣墜露輕短策馳驅明日路小亭延佇暫時情
金塘玉漱多幽賞不負九都嶺外行

夏五月恭聞

上因旱減膳至八日時雨大沛適下直於西山別墅推
窻望雨喜而有作

夸岱

精誠信可與天符遊豫歡從萬姓呼雲壑空濛山意遠
原田膏雨稼苗蘇自公退食間瀟灑與客憑軒興有無

不用丹黃能繪手天然一幅米家圖

瀋陽

夸岱

鬱蔥城郭信佳哉尚見當年王業開
絕塞屏藩皆北向二陵山水自東來
餘荒作洫猶堪畝即社為倉可備灾
海上魚鹽邊上牧經營須仗濟時才

春日

駕幸南苑四首

法海

鑾輿曉日肅鈎陳羽衛驂驪扈近臣
嫩柳韶光新有色

春膏和氣淨無塵飛芝細傍重城轉獵騎遙連六轡勻
鎮國寺前回首望草橋齊渡小河津

迥野連空入望賒春冰初泮印平沙雲移仁網開三面
風逐霜蹄散五花金勒控弦持鄭重玉鞭連騎遠周遮
千旂獵罷平林外駐馬南莊日欲斜

鷹師狗監列行圍獵獵霓旌趁早暉東郭草間遮脫兔
南山雲外落飛輦重環共說韓盧俊鷲鳥曾歌尚父威
今日

君王多霽色歡聲齊逐馬蹄歸

春日靈臺駐

玉鑾羽旄鐘鼓萬人歡芻蕘雉兔原無禁監令丞司各有官畿內更嫌文圓小編氓深喜

聖恩寬詞臣亦有金門賦莫作揚雄羽獵看

恭和

御賜山莊避暑詩扇二首

覺羅滿保

萬幾清暇駐山莊民莫關心

睿慮長十雨五風周甸服千巖萬壑繞岩廊自天湛露
螭頭渥當暑微颺殿角涼珍重驪珠五十六擎來

御墨尚留香

太和元氣聚山莊石磴松筠

輦道長軒棟呈祥雲入牖堯階崇儉竹為廊研硃點韻
丹文麗挹露揮毫玉宇涼猶記徃時陪

法從經函長傍

御爐香

恭隨

聖駕北巡自

暢春園駐

蹕湯山恭紀

覺羅滿保

羽林遙映翠微峯
繡野雲開奉

六龍溫液香浮烟
正煖熏風晴拂瑞
初濃村連幕影雲
千疊陌散林光翠
萬重紫塞招涼叨
珥筆恩波浩蕩此
先逢

春分即事應

制

覺羅滿保

晴臨古淀講春蒐整頓軍容

睿算周千鷁齊飛鴻雁陣雙旌圍繞杜蘭洲平分玉漏
當春永共仰恩波並海流日覲

天顏瞻聖武祝衢願進萬年謳

聖駕親視河淮巡行江浙恭頌八首

姜宸英

十年輿望切

前旌咨警長留

聖主情祇為

神謀存北伐故教天意緩南行
竒探虎穴狂氛靜怪鎖蛟宮
濁浪平今日雙龍趨翼衛春風
搖曳出

皇城

舳艫南指路非賒楫擁丞徒靜
不譁行漏曉供長信膳迴帆初
放紫宸衙漁樵得意瞻容衛鷗
鷺無心避鼓笳中道時聞寬大

詔懽聲雷動萬人家

塗泥自古記淮揚已束洪流似帶長
綠字朱文窮宛曲
隕林捷石陋宣房精誠感動鮫人泣

方畧潛驅罔象藏會有靈圖符

聖瑞波心泛漱發榮光

瀕河猶自愁艱食

詔截東南十萬艘更免舊逋紓郡邑
同霑新惠出波濤
家家秋潦成堤堰處處春田響桔槔
比量

皇恩真似海百川奔赴不辭勞

祥飈吹送大江流一望南天瑞靄浮蓬島侍書羣學士
塗山輯玉萬諸侯同瞻

日角歌岡阜喜覲旌門拜

冕旒誰是甸宣多政績內傳新賜黑貂裘

東吳佳麗巡遊處風景微傷不似前秋穫未經開百室
天恩重與賜三千宏恢

帝網金鷄舞廣厲儒宮木鐸傳試看

六龍新幸後明湖草木倍鮮妍

三山凝望日光輝講武臺前翠幙圍
細草平沙開馬埒
黃雲紫氣護

龍旂將軍命中誇猿臂校尉登場號
欣飛次第千官同
拜賞

迴鑾爭獻萬人衣

天章絢爛動星辰灑落銀鈎氣象新
烟火萬家纔極目
登臨半晌已縈神江山迢遞歸淵宇
人物熙和浹大春

樗散無由叨扈從陳詩聊和壤歌民

聖駕南巡紀德詩

張元臣

柳舒金縷拂

龍旌畫槳蘭橈趁曉行千里和風吹浪暖一天麗日映
江清巖花處處增春色葦屋家家識

聖明至德彌綸疇與並神功萬載慶平成

皇清文頴卷七十九

欽定四庫全書

集部

皇清文頴卷八十一

詳校官檢討臣朱依昊

主事銜臣徐以坤覆勘

覆校官中書臣田尹衡

校對官中書臣王彝憲

謄錄監生臣張五誥

欽定四庫全書

皇清文頴卷八十

詩

七言律詩

奉

命供奉南書房恭紀

張廷玉

簞裘弓冶不勝任
又許鷦鷯託上林
兩世直廬明主澤
廿年書局老臣心
山樗敢望依神苑
土鼓偏教傍帝琴

慚聽六宮人盡說蘇瓌有子荷恩深

扈從喀喇河屯蒙

恩召入行宮

賜宴徧覽苑中諸勝恭紀四首

張廷玉

索筆羣叨

錫宴榮簪裾聯步到蓬瀛雙溪水繞平橋遠萬壑雲依
御座生臺榭參差隨地築山川環列自天成閭風換盡
塵凡骨俯仰都教耳目清

盡收好景在庭除一幅幽風總不如湛露無邊滋稼穡
萬幾餘暇玩圖書天淵體道鳶魚趣山水怡情仁智居
五色

宸毫光萬丈仰瞻銀榜勝瓊琚

層臺高陟若凌空人在苔痕樹影中央岸林巒含宿霧
隔溪歌吹逐微風芊芊草拂漁磯綠點點花飛釣艇紅
到此始知文園樂時當秋爽若春融

承

恩更泛水蘭船特設芳茵

御陞前法醞自天傾石髓宮庖隔岸送瓊筵幾人得聽
金璈曲兩袖都攜玉篆烟自是太平多盛事塞垣同賦
蓼蕭篇

召遊行宮後苑恭紀

張廷玉

澗草巖花映碧蘿五雲長護萬年柯迎涼樓閣依山迥
避暑軒窗傍水多卧石幾重橫玉几飛流千尺瀉銀河
誰言天漢無人到已許乘槎六度過

是年奉恩命
遊覽凡六次

扈從塞外蒙

恩特賜

御書澄懷二大字恭紀二首

張廷玉

琳瑯寶氣出華林
裁畫堯文重古今
久沐恩波依帝座
更將止水勵臣心

宸毫直並雲霞麗

聖澤真如江海深
簪筆幾人叨異數
同時拜舞

禁庭陰

傳經

天語昔欽承

曾家傳經堂額

恩賜

又對澄懷永服膺蓬華高騰

千丈焰姓名難稱一條冰家聲清白期無忝雅量汪洋
愧未能竊願洗心遵

聖訓何時道岸許先登

萬年寶祚詩四首

張廷玉

無疆

寶祚慶延綿花甲初週六十年

厚德永貞功配地

至誠不息道同天人遊禹甸堯衢裏

世躋三王二帝前草木長春當令節卿雲紉繆照瓊筵
物阜民安託

聖朝

帝功巍煥治光昭

守成創業經綸裕

垂拱時巡雨露饒重譯梯航來萬國兩階千羽格三苗

自從府事修和後歌叙親聞奏九韶

宥密精神貫八荒猶勤宵旰勅幾康先憂後樂身彌健
保泰鳴謙德愈光但欲農桑安作息不教芝鶴獻禎祥
九重欽錫繁多祉日月升恒海嶽長

雍熙奕禊慶

昌辰環轉千支第一巡

久道致成三古俗太和分作萬家春欣逢仁壽休徵溥
重會貞元景福新拜手稱觥同野老載歌

百祿自天申

恩賜

御書宮扇一柄恭紀

張廷玉

五明宮扇製玲瓏拜賜欣瞻

御墨融珠玉有光真世寶烟雲無跡本天工三庚似植
迎涼草四座如披解愠風自愧飲和先萬物纖毫無力
答蒼穹

雍正二年

聖主躬耕藉田詩六首

有序

張廷玉

欽惟我

皇上躬膺寶錄手握璇樞合二曜以齊光參兩儀而立
極厚生正德殫至誠不息之功重道尊師創自古
未行之典雨潤日暄之風教動罔不臧

宵衣旰食之精神所其無逸凡以致黎民之於變總期
奠寰海於久安邦有本以必先食為天而最重

特勤穡事肇舉藉田堯年正值夫甲辰舜日敬諏乎癸

亥春官視典京兆清畿協風應律於東躔淑氣蒸
膏於南陌芝與華蓋當壇宇以星陳豹尾龍旗匝
街衢而電轉千官扈從金根耀晴旭之光兆姓觀
瞻蒼馬蕩祥烟之彩墮宮駐輦幄殿凝鑾奏

天樂之屢豐宇誠后稷展

皇虔於三獻合漠神農香靄金鑪爰

更衣於大次雲移寶扇遂

命駕於甫田葱牕紺轅綴橫車之黛耜嘉禾瑞麥開貯

種之青箱於時四野晴和纖埃不動百神翼衛麗
景無邊

一撥初移發大地廣生之德

三推漸訖動陽春長養之風仰

帝力之維勤軫

宸衷而未已啟沉腴之土脈用勸三農運強健之天行
欲周千畝比前徽而倍越遵古禮以有加弭節從
容俟臣工之協力

升臺臨眺欣氓庶之赴功原隰溝塍繡壤紛披於禹甸
茅蒲襪襖畫圖儼繪於幽詩迺

警蹕以言旋仍

望耕而未遠綺裳連袂爭躡踵以瞻雲擊壤歌衢盡
觀光而就日從此五風十雨

天田登御廩之儲佇看兩穗雙岐

帝藉滿神倉之蓄

臣

職居司稼心切課農跪捧稯種方

愧未分於五穀恭持耒耜更叨承乏於九推敬撰

蕪辭肅將鄙悃年豐人樂長編大有之史書地厚
天高永享昇平之歲月詩曰

朱靄天垂萬井春勾芒應律慶芳辰

九重稼穡開民事四海耕桑仰

聖人寶輅光迎霞彩麗華旗翠拂柳條新

六龍行處乘時令甘露祥風遍八垠

深宮宵旦念民天

丹陛頻聞鳳詔宣輿頌歡騰雙闕下

聖心勞在萬方先德符古訓崇無逸祀重農壇祝有年
廣樂雍容金石播太和元氣溢垓埏

昀昀原隰候停

鑾黛耜青犁擁百官

一壠恩流千畝外

三推春散五雲端愛看田器

君王喜得近

宸顏父老歡比歲賜租過十萬昇平膏澤海天寬

欽定四庫全書

皇清文影
卷八十

繡陌風光儼畫圖
烏犍黃犢散平蕪
杏花舒萼天時暢
芳草抽萌地脈腴

睿慮悉同民隱合

神功潛與化工符
倉箱有慶粢盛潔

仁孝兼成萬世模

九奏簫韶見鳳儀
更聞三十六禾詞
烟蓂雨笠終千耦
航海梯山貢兩岐
率土正逢行慶日
普天同是謝

恩時儒臣拜手書
惇史彷彿幽風七月詩

薄植徧承

帝眷隆從耕欣得次羣公養民竊愧司農職勸稼曾無
保介功親見南郊勞

玉趾久知東作厓

皇衷願隨鼓腹康衢叟載筆年年詠屢豐

恩賜紗葛袍服二襲恭紀

勵廷儀

樗櫟深慚扈

蹕行

宮袍重錫拜殊榮
文騰異彩看來麗
袖帶

天香著處輕當暑
清涼分

寵渥長途被服感
生成

微臣

莫効涓埃報
謹凜持身答

聖情

恭紀

南巡聖德詩五首

勵廷儀

平成聿奏歲華新
善後機宜待

聖人澤國蒸黎齊
望幸東山花木盡
熙春慶雲瑞靄迎

天仗甘雨和風淨路塵

俯鑒輿情勤

法駕九霄

異命喜重申

言從問俗歷齊東到處民情徹

帝聰四境總教遊化日一隅猶自賴仁風
饑穰本屬天
行數補救旋施大造功

特賜金錢留運漕問閭歡舞兆年豐

霓旌仙仗壓春山輦路花明水一灣擊壤呼嵩歌樂土
瞻雲就日覲

天顏市廛不擾村廬靜雞犬無驚草木閒滿載後車供
玉食那教絲粒擾民間

牙籤翠軸擁行宮午夜常披寶炬紅名理日探登道岸
寶書時灑絢天工

親裁詔旨闕民隱

面飭官箴厓

帝衷自是至誠原不息乾行萬載慶神功

宿遷南下水盈盈容與中流

御艦行四載憂勤昭禹績萬年熙皞樂堯氓不辭風雨
親臨閱為喜淮黃漸奠平千里飛鴻咸樂業岸花隄柳
暢

皇情

楓林效香山體

勵廷儀

吳江風冷越江寒梧葉蕭疎楓葉丹春色何如秋色好

無花却勝有花看高依

禁苑低依岸遠拂征車近拂闌玉露曉零渾欲醉霞蒸
雲簇影珊珊

熱河直廬與

賜毫筆志感

勵廷儀

攤書終日對鉛黃鏤管分頒出尚方簪處不勝羞短髮
歸途猶喜壯奚囊元和脚好多新樣下里歌殘只舊章
老學分應無好夢盡將才筆屬江郎

次韻蔣酉君恭咏

御製木紙扇

勵廷儀

人間匠作一時空，便面新裝奪化工。
剪羽已輸千縷碎，裁紈寧許半銖同。
拔從木屑羣材外，得近

龍香掌握中。舒卷漫隨團扇伍，揮毫猶待寫薰風。

賜蓮房志感

勵廷儀

玉井花開百尺枝，綠房初結早秋時。
圓分海蚌探珠寶，香擘蜂窠沁蜜脾。
消渴不煩僊掌挹，清寒恰比蔗漿宜。

三年又拜承明賜甘苦中心祇自知

伏前一日

賜普洱茶

勵廷儀

曾賜雲龍一品鮮玉堂人因記當年月團再拜薰風後
雀舌休誇穀雨前旋拾松花添活火試烹瓦鼎泛新泉
煩襟未信清如許習習涼生六月天

御試詠千葉桃

蔣廷錫

千葉桃開簇簇紅剪裁重疊費天工輕脂欲暈非關雨

薄粉初消最怯風
曉露滴時添綽約
暮霞飛處鬪玲瓏
續吟韓愈桃花句
不是西清即禁中

賜數珠恭紀

蔣廷錫

委佩拖紳媿未宜

九天今又錫牟尼
驪龍領下明珠顆
赤水山頭玉樹枝
四品一時驚異數
八人同日受

恩私從茲退食休
忘事記念章身慎
所思

分

賜入直諸臣

御書詩扇

臣

廷錫分得

聖製西湖夜月詩恭紀

蔣廷錫

重拜

殊恩出殿前珠璣錯落灑鴻篇

仁風扇處春生谷寶篋藏時光燭天東國月明歌有道
西湖波靜澤無邊

六龍巡幸多題詠從此吳山一倍妍

駕發腰亭跼至柳林

蔣廷錫

一輪晴日四圍山
細草乾沙路幾彎
地湧潮河穿兩界
天開北口鎮雄關
黍苗日長同青薺
石骨年深綴綠斑
曾是勝朝經畧地
太平有象戍旗閑

夜光木

蔣廷錫

乍見星芒映室中
喜看藜火照窻櫳
夜明簾薄來西域
徑寸珠圓出海宮
清似晶融還貫月
碎如螢散遠隨風
此身恍入琉璃界
寧羨金蓮蠟炬紅

恭誦

御製立秋日喜晴詩恭紀

蔣廷錫

重疊山嵐霧靄深涼風一旦豁濃陰
喜看霖雨成甘雨
仰見

天心合

帝心四野晴光舒化日遙空爽氣入高林

聖人憂樂先民隱

綈几微吟對碧岑

恩賜佛手柑恭紀

蔣廷錫

遠自東閩稱上貢

賜來塞外獲奇珍
黃雲鰲鍵金光現
香霧霏微佛指伸
不向空拳論背觸
還從合掌悟陶輪
直廬此日誇殊典
六月先分海嶠春

恩賜蜜漬荔支

蔣廷錫

嶺南三度荔支芳
蕉核釵頭塞北嘗
入眼乍驚紅玉顆
剖開猶記絳羅囊
十分崖蜜霜添味
萬里銀盤露帶香

滿口甘腴同拜食九天今日飽瓊漿

初夏

西苑觀麥應

制

王式丹

上苑鸞旗淑景移
曉披麥浪影離離
青林碧沼環千畝
甘雨和風秀兩岐
勝日

宸遊同省稼豐年
嘉瑞恰乘時
即今譜入南薰曲
新采
來牟率育詩

奉

韶增修皇興表院中即事次韵二首

王式丹

瀛洲亭畔靜階除
匝槐枝亞碧虛池
面輕風迎散帙
檐牙初日照繙書
共知定本推前輩
未敢傳鈔付小胥
東觀從容參典校
駒駟載筆媿庸疎

棲塵簾閣喜新除
秘冊駢羅几席虛
周室職方傳舊志
漢家年表效橫書
要從鞮鞢增圖籍
豈為華離問史胥
理罷縹緗方永晝
垂鞭歸拂晚風疎

文廟釋褐

查慎行

數仞宮牆霄漢連兩楹俎豆故依然曾陪鼓篋三千士

重到橋門二十年

臣自甲子五月
入國學肄業

末學豈增科目重菲

才特荷

聖人憐較他儕輩蒙

恩早獨在青衫未換前

暢春苑謝

恩

查慎行

初着宮袍拜禁林
碧梧翠柳望成陰
可知

聖主栽培意即是天工
長養心千頃池邊看鼓鬣
萬年枝畔聽鳴禽
從來日月無私照一物含光感自深

恩賜玻璃眼鏡恭紀二首

查慎行

玉比晶瑩鏡比圓
忽教披豁睹青天
明珠吐暈泥沙外
燭火分光日月邊
名紙尚堪題細字
秘書仍許對新編
此生視息真何幸
雙眼摩挲敵少年

霽月光風傍

紫垣重欣

天賜出璵璠
潭空秋水清
無底壺貯春
冰薄有痕絕
勝金銳回晚
景不煩熬火
照黃昏曾經
隔霧看花後
老戀餘光盡

主恩

分

賜南書房八直諸臣瓶中牡丹

臣慎行得鞋紅一朶恭

紀

查慎行

扶桑初旭映瞳朧聯步晨趨入直同

紫闥恩光連

上苑玉階芳氣襲東風人來漢殿鶯花候春在堯天雨露中五色雲端親捧出仙葩爭看一枝紅

西苑觀麥應

制

錢名世

農務時勞宵旰心清和令節偶登臨流滋太液膏逾茂色映長楊綠轉深穰重最宜沾曉露苗新更喜沐甘霖

來牟率育羣方遍共奏成周雅頌音

賦得三十六宮都是春

趙熊詔

庖犧興義費研摹六六相乘卦畫殊卦本象儀因有數

以乾一至坤八位數
合計之得三十六

畫分奇偶亦同符

八卦奇偶之畫
合計之亦得三

十地中雷起陽初動天下風行陰漸敷識得循環生意
在乾坤隨處是洪鑪

恭和

御製上元前二日立春

趙熊詔

韶光先映九華燈
臘盡輕寒氣尚凝
莫砌未全舒曉葉
玉河應漸泮春冰
堆盤生菜嘗新味
剪綵為花讓巧能
喜值芳辰瞻

睿藻青郊火樹卜豐登

雪中入直

陳鵬年

六花飛作

帝城春紫殿金鋪一色勻
萬頃鏡中難着影

九重天上本無塵
亞枝密想探梅路
饑雀寒如寓直人

獸炭龍團皆拜

賜同將雪水試茶新

曉殿

陳鵬年

清旭籠煙曉殿開
鬱蔥佳氣滿蓬萊
波光鴨綠晴初動
柳色鵝黃暖漸催

賜茗香分仙掌露
陳詩喜上萬年杯
紅橋風月迎鑾輅
無數春從輦路回

聖駕南巡視河恭逢

萬壽聖節敬頌長句八首

吳廷楨

端拱

宸居念兆人翠華二月視東巡日臨黃道時方泰

帝御青陽物盡春望岱燔柴祠嶽后游河刻玉奠波臣
懷柔專為析民祉先路仁風拂軟塵

待旦垂衣敞

御筵十行

溫詔殿頭宣雲雷春奮求言鐸藻火宵明解愠絃檢玉

賜書旁問俗擬金征旆遠蒐田勤民兼事行時令遙望
恩光下日邊

前驅列缺後豐隆步玉遙臨擁衛同韎韐早聞收漠北
冕旒重見幸江東威弧弦上天山月

法駕輪扶海甸風拓地歸來勤省土方行萬里盡離宮
平蕪彌望漲痕邊歲潦殷憂下澤偏降趾

九重親隴畝勞身四載奠山川沉珪潤比黃流瓚捷竹
森如碧玉椽早使河渠承

聖算宣房萬福應今年

長淮渺渺接河津

睿慮勤求故道循為問披圖巡甲子何如探簡命庚辰
歌徵黃鵠陂當復宿應蒼龍水亦馴待酒春泥催布穀
雕輪碾處旋生塵

十載江湖望

闕情今朝重得拜霓旌吏民安堵三章法父老呼嵩萬
歲聲珠樹轉燈明夜市綵棚圍錦暗春城靜街自有金

吾導羅繖前頭緩轡行

康衢

端冕采芘謠比戶騰聲徹慶霄分野一星占得歲鉤天
九奏感聞韶式閤粟帛高年賜賁路弓旌大隱招共應
乘春施

德惠東風入律聽長調

青郊風駕省農祥
穰雉朝迎扇影翔
柳底轉旗過水市
花間

駐輦到山莊懸池的的金莖露蔭畝童童羽葆桑還似
祈年躬

帝赧春深澤國又移秧

南巡閱河恭進

聖德神功詩四首

王圖炳

五色雲端

萬歲聲

太平天子慶巡行梅風暖傍牙樯動芝草香依玉輦生

禹甸河山開

黼藻堯封雨露洽輿情欲知

宵旰勤勞意布德乘春又省耕

西來蔥嶺勢縈紆千里清瀾鏡面如竹箭聲中飛畫舫
麥苗風裏聚田廬

訏謨遠勝河渠志成績還超禹貢書自是隨刊皆

帝力川珍長効萬年餘

淮水迢迢彩鷁通總因懷保慰三農源分桐柏浮晴翠

浪息蟪城聽夕春東會秩然如折縷南條從此盡朝宗
民依經久煩

宸算指顧千村桑柘濃

雨過茸城春草滋從

天鹵簿見隆儀峯青九朶開蓮萼泖碧三條綰帶絲勝
地恰如逢鎬燕醇風還似繪幽詩

特蠲逋賦恩膏渥萬姓歡聲夾道隨

皇清文頴卷八十